

太上黃籙齋儀卷之二十九

歸五

太上無極大道無形無名虛無自然金闕玉

唐廣成先生杜光庭剛

懺穢疾病清具行道

入戶

各禮師存念如法

衛靈

金真綠霞

煥映三天

飛雲丹霄

諸天控輶

宸輝啓旦

陰翳俱謁

九微震空

五星回旋

萬仙應感

自然妙玄

杳冥散景

分形億千

寶珠光耀

瑞降壇乾

生死蒙惠

權鍊金泉

魔王恐懼

合景三田

鳴法鼓二十四通

無上三天玄元始三炁太上道君召出戶身

中三五功曹左右官使者侍香金童傳言玉

女五帝直符直日香官各三十二人出出者

嚴紫關啓玄壇天帝神君當召此間土地里

域真官正神臣今奉為入意願得玉清道炁

靈寶妙光下降流入臣等身中令臣所啓之

言速達徑御

陛下

各稱法位

具位臣等謹同誠上啓

虛無自然元始天尊無極大道太上大道君

太上老君昊天玉皇上帝十方已得道大聖

衆至真諸君丈人三十六天帝君玉虛上帝

玉帝大帝東華南極西靈北真玄都玉京金

闕七寶玄臺紫微上宮靈寶至真明皇道君

三十六部尊經玄中大法師三界官屬一切

真靈臣等伏聞氣象運行陰陽顯晦倚伏有

興衰之數虧盈為禍福之端況在塵寰寧離

陶鑄惟三尊演教垂濟生度死之科萬聖延

慈者救物拯危之品廣敷神化大庇羣生臣

等獲履法門早參慈訓所宜救災拔難祈福

生民行教立功以彰玄奧况奉詞旨敢不上

聞

請詞

按如詞言誠情迫切宜申弘護俾達虔祈齊

上其以染跡六塵陶形四大水火有盛衰之

異暗明分鈇俸之殊或災節宣速成疾厄形

神奔悻性命懸危惟叩真靈庶蒙解救臣等

謹依科格敷列壇場稽首祈恩仰天請命以

今早朝行道請法衆等運誼初捨上香

願此香煙騰空徑上供養

無上至真道寶臣等歸身歸命首體投地仰

依

太上三尊願以是功德歸流

帝王國主社稷尊靈鳳紀龍圖配乾坤而永

固

皇風唐德與日月以長懸明燭萬方仁周八

表儲皇妃后中外臣寮克贊雍熙共康寰海

八極之內君臣吏民巨福所覃普天昭泰今

故燒香自歸依

師尊大聖衆至真之德得道之後升入無形

和與道合具

以今早朝行道請法衆等運茲二捨上香

願此香煙騰空徑上供養

無上至真經寶臣等歸身歸命首體投地仰

依

太上三尊願以是功德歸流齋主其家九世
七玄億曾萬祖親緣眷屬往逝神儀伏承黃
籙之玄功上朱陵之仙界陽光室質流火鍊
形黑簡落名青官著籍道遙真境永祛延注
之殃利祐見存克享安貞之福今故燒香自
歸依

師尊大聖眾至真之德得道之後升入無形
和與道合真

以今早朝行道請法眾等運茲三檢上香
願此香煙騰空徑上供養

無上至真師寶_臣等歸身歸命首體投地仰
仗

太上三尊願以是功德歸流齋主其身災纏
弭息厄運清銷疾瘳平冤仇和釋南昌司
命開生籙以延年北府帝君削黑書而落死
魂神澄正萬炁長存眷屬親緣同沾景福飛
沈異質蠢動殊形咸沐玄休共臻貞吉今故
燒香自歸依
師尊大聖眾至真之德得道之後升入無形
和與道合真

禮方

懺悔

各思九色圓象咽液命魔窺呪

三啓頌

樂法以為妻 愛經如珠玉 持戒制六情

念道遺所欲 澆泊正蒸停 蕭然神靜默

天魔並敬護 世世受大福

鬱鬱家國盛 濟濟經道興 天人同其願

縹緲入大乘 因心立福田 靡靡法輪升

七祖生天堂 我身白日騰

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮

三禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

重稱法位

具位_臣等謹同誠上啓

太上無極大道元始天尊太上大道君太上
老君十方無極大道道德眾聖三十六部尊
經玄中大法師三界官屬一切真靈_臣等獲
奉玄科仰承慈訓濟時佐國弘道安人而跡
混市朝功輕塵露常增惕懼不敢違寧但法
在敷揚義先拯救今齋主其以災躓所迫疾
厄所侵風燭是憂性命斯切令披心請命稽
首法門_臣等輒為依按明科修齋行道勝詞
列款懺謝存亡恐慮_其九世以來宿殃流注
前生往代究結所成或立志運心有違陰隲
或舉情屬念不合神明往咎前愆陰罪陽過
因緣積沓構此災危又恐三命五行九宮八
卦天文宿曜行運遊年災殺所臨星辰所照
或命祿薄弱運氣衰微或故殺誤傷新究往
債及五瘟百毒之氣凶邪鬼注之徒外中肌
膚內侵臟腑成茲危疾未獲痊除特乞
太上垂恩三光赦罪解銷冤對和釋災凶前
世今生無邊罪目因今祈懺咸乞赦除使真

本流行靈津宮潤百痾蠲蕩六府和平祿祚
增豐年算延永舉家享福內外沾榮上願杜
穰安寧

帝王萬壽風雨調順歲稔時康有識合生並
登壽域上明

天尊大慈之澤下副_臣等祈懺之誠謹啓以
聞

發念

一念為道四大合德齋主七世父母免脫憂
苦上升天堂衣食自然

二念帝王國主道化興隆庠序濟濟呈教恢
弘威儀翼翼普天所瞻民稱太平四夷賓
伏妖惡自滅賢人日生

三念法師功德大建教化明達俱獲飛仙

四念同志學人早得仙道更相關度

五念九親和睦好尚仁義貴道賤財行為物
範

六念損己布施道士及饑寒者天下人民各
得其所

七念蠕動跂行一切衆生成蒙成就

八念赦貫前生今世罪對立功補過

九念家國隆盛宗廟有人世生賢才

十念尊受師經不敢中怠平等一心廣度一
切剋獲上仙白日登天拜見太上永成真
人雲車羽駕和與道合真

復爐

復爐

香官使者左右龍虎君侍香諸靈官當今_日
行香之所自然生金液丹碧芝英百靈衆真

交會在此香火爐前令_日學道得道求仙得
仙齋主受福幽顯沾恩十方仙童玉女侍衛

仙齋主受福幽顯沾恩十方仙童玉女侍衛
灑煙傳_日向來所啓之言速達徑御

太上無極大道無形無名虛無自然金闕玉
陛下降

出戶

太上黃籙齋儀卷之二十九

太上黃籙齋儀卷之三十

唐廣成先生杜光庭 剛

懺穰疾病中分行道

入戶

各禮師存念如法

衛靈

謠歌空洞 帝君守壇 五帝校錄

受符三官 備衛四門 束魔去姦

流鈴擲火 除穢焚殘 身佩金書

鍊液芝顏 玄虛素合 心動三關

騎獅跨鶴 控虬乘鸞 衆星守舍

千魔不干 道炁長存 萬仙委安

鳴法鼓二十四通

無上三天玄元始三炁太上道君召出身

中三五功曹左右官使者侍香金童傳言玉

女五帝直符直日香官各三十二人出出者

嚴裝開啓玄壇天帝神君當召此間土地里

域真官正神_日今奉為入意以令願得玉清

道炁靈寶妙光下降流入_日等身中即使玄

壇清淨內外成真天無氛穢地絕妖靈瓊琅